



UPA 2015/32  
26. marts 2014  
Múte Bourup Egede

**”Kulturikkut ingerlatsineq sunngiffimmilu sammisassaqtitsineq pillugit Inatsisartut peqqussutaata nr. 10-p, 21. maj 2002-meersup allannguutissaatut siunnersuummik kingusinnerpaamik UPA 2016-imi saqqummiusseqqullugit Naalackersuisut peqquneqarnissaannik Inatsisartut aalajangiiffigisassaattut siunnersuut, taamaaliornikkut kulturimut immikkut inatsimmik aammalu timersornermut immikkut inatsimmik suliaqartoqarsinnaaqqullugu.”**

(Inatsisartunut ilaasortaq Peter Olsen, Inuit Ataqatigiit)

Inuiaat nukittuut ilaatigut tassaapput piorsarsimassutsikkut, timersornikkut eqqumiitsuliornikkullu aallussisuminnut pitsaasunik atugassaqtitsisut.

Piorsarsimassutsikkut pinngorartitsisortagut timersornermillu aallussisortagut, tassaapput nunatsinni anersaakkut nukittuumik inuuneqarnissatsinnut aqutissiuuisuullutillu pilersitseqataalluartartut.

Politikkerit nunatsinni pissutsit oqallisigiuarpagut. Pissusissamisuunngilarli uaguinnaat oqallinnermik ingerlatsiuartussat. Piorsarsimassutsikkummi pinngorartitsisortatta pinngorartititik atorlugit nunatsinni oqallinnermut akuujuarnissaat qulakkeertariaqarparput. Taakkuummatami isummanik nutaanik pilersitsisarlutillu pissutsinik eqqartortariaqakkatsinnik qaqilereqataasartut.

Pingaaruteqarpoq piorsarsimassutsikkut pinngorartitsisortatsinnut atugassarititaasut pitsaasuunissaat. Tassanilu pingaaruteqartut ilagaat nunatsinni eqqumiitsulianik saqqummersitsiveqalernissaa.

Nunatsinni timersornermik aallussisorpassuit peqqissumik inuuneqarnissatsinnut tunngavileeqaataasartuupput. Timersoqatigiiffippassuitaaq pinaveersaartitsinermi qitiusumik inissisimanagerat eqqaanngitsoorneqarsinnaanngilaq. Timersortartortagut, qaffasissumik imaluunniit sukisaarsaatiginerullugu timersortartuugaluarunilluunniit atugassaat pitsaasuusariaqartut Inuit Ataqatigiinniit isumaqarpugut.

Aaliangiiffigisassatut siunnersuut una pisariaqartuusoq Inuit Ataqatigiit isumaqarput. Isumaqarattami kulturimut inatsimmik immikkut kiisalu timersornikkut inatsimmik immikkut pilersitsinikkut kulturilerilerisortatta timersortartortattalu siunissaat patajaatsumik qulakkeerneqarsinnaasoq.

Aliangiiffissatut siunnersuut ataatsimiitsitaliamut susassaqtartumut innersuupparput ataatsimiitsitaliallu sulinissaanut innersuussuteqarumavugut. Tassalu kulturimut inatsisiliornissap kiisalu timersornermut inatsisiliornissap saniatigut sunngiffimmi sammisassaqtitsinermi aamma immikkut inatsisiliortoqarnissaanik ataatsimiitsitaliaq ilanngullugu aappasaarinninnissamut suliaqassasoq.

Naggataatigut Inuit Ataqatigiinniit piorsarsimassutsikkut pinngorartitsisortagut timersortartortagullu qutsavigerusuppagut inuiaqatigiinnut naleqangaartumik sunniuteqarluarlutik tunniussaqtartarmata.